

DEUM verò immortalem, DEUM ac Patrem Domini nostri JESU CHRISTI precibus veneror humillimis, velit pro immensa sua gratia clementer largiri, ut omnes ac singuli in hocce gratiæ regno ita ipsi subiecti fimus ac inserviamus, ut non solum in hac vita glorificetur DEUS, Ἐπὶ τῇ ὑποταγῇ τῆς ὁμολογίας ἡμῶν, εἰς τὸ εὐαγγέλιον τοῦ Χριστοῦ, sed & nos ipsi æternæ istius ac gloriosæ subjectionis Filii socii reddamur, cum omnibus beatis subjectionem istam in consummatissima felicitate videamus, atque beatitudinem istam ineffabilem quâ DEUS nobis erit omnia in omnibus, re ipsa experiamur: Cui interea, pro præstito auxilio, persolvo grates devotissimas, debita ac humillima mentis *Subjectione*.

TANTUM!

CAP. I.

LEMMATA.

§. I. *Connexionis rationem tradit.* §. II. *Subjectionis varias acceptiones diversosque modos explicat.* §. III. *Ostendit Terminum Subjectionis Filii passivæ, quoad ejusdem manifestationem, esse Subjectionem τῶν πάντων activam, ubi, quid per eam intelligatur, ostenditur, ac per Synonyma illustratur.* §. IV. *Docet quoniam CHRISTO subjiciantur, qui verò non.* §. V. *Secundum quam naturam illa Subjectio fiat.* §. VI. *Dubium movetur, cur Filio adhuc quædam subjicienda dicantur, cum tamen jam omnia subiecta habeat? Volkeli Expositio rejicitur. Locus Höpffneri ac Lutheri. Quare ratione nostri hostes nondum subiecti sint? adducitur responsio Lutheri.* §. VII. *Satbanæ subiectio demonstratur.* §. VIII. *Quomodo mundus sit sub-*